


Jenexi 3



Mame typyty tosehpase eya
Ewame emero ahno ěme
toehse aexiryke.




1

Moraramo okoi tuarohxo kynexine,
imehnō onokyro tō motye,
onekunohtōme kynexine. Tōturupose
ynororo nohpo a: — Ajohpe pyra
“Tupito pō wewe epery osenahno,”
naseh oya Ritonōpo?




2

— Ǟ, wewe tō
epery enahnōko
ynanase emero repe,
tykase, tozuhse nohpo
a. — Tupito rānaō epery rokē onenahpyra
ynanase. Moro epery rokē: “Osenahdou,
anapoipyra ehtoko oorikyrykōino,” nase
Ritonōpo yna a, tykase.



3

— Ajohpe! tykase
okoi eya. — Orihpyra
mase. Morara tykase
Ritonōpo zuaro toexiryke,
moro wewe epery enapyryhtao oya xine
tuaro exīko matose Ritonōpo ehtoh samo,
kure ehtoh waro exīko matose, popyra
ehtoh waro exīko roropa
matose, tykase.



4

Mame moro wewe kure tonese nohpo
a, epery roropa kure potu tonese eya,
tonahsēme. Tōsenetupuhse ynororo:
“Kure exiry emero zuaro toehse
jahtao,” tykase ynororo tyya rokene.
Naeroro moro wewe
epery tapoise eya,
tonahse roropa
eya; tokarose eya
tynio a, tonahse
eya roropa.



5

Morara ahtao enurukō
tātapuruhmakase. Iirypyryme
toehtohkō poko tuarōtase toto.
Ihxipŷke toehse toto, tymetyke pyra
toexirykōke. Naeroro ituary ke
toemetyhtose toto
ihxipŷke
toexirykōke.



6

Yrome
orutua
tykohmase Ritonōpo a ekaropotohme: — Otokoh
ma? Ynara tykase orutua: — Ōmiry etā osemazuhme
oytoryhtao anarykatyā poro, yrome enaromŷke akene,
tupoke pyra jexiryke. Naeroro otōnēno, tykase.
— Onoky poe tupoke pyra oehtoh waro mexino?
Enahpŷ epery menahno? tykase Ritonōpo eya.




7

Ynara tykase orutua: — Mose nohpo
onekarohpyry ya ypytyme, mose ro a epery
tonahpose ya, mame enahno rahkene.
Mame Ritonōpo tōturupose nohpo a:
— Oty katoh morara myrino?
tykase. — Okoi jenekunohno, tykase
nohpo, — morara exiryke
enahno, tykase.




8



Naeroro Etē poe, tupito kurā poe orutua tonyohse Ritonōpo a ipyty maro osa menekatohme eya itu htao tutupime, nono poko aherohtohme, nono risēme aexiryke.


9



Morotoino orutua taropose Ritonōpo a.

Mame osema tao xixi tūtatoh wino kerupī tō tyrise eya typyreke, tytapemake apoto sā exikety ke. Eraseme toto ehtohme mokaro tyrise omōpyra ropa ahno ehtohme, moro wewe, jūme isene tyripotoh pūtokoxi.

10



Morarame typyty Ewa maro toehse Atāo, poetoēme toehse ipyty. Mame toemūkuase orutuame, ynara tykase ynororo: — Takorehmase Ritonōpo a jexiryke toemūkuase ywy, tykase. Tumūkuru tosehapse eya Kaīme. Imeīpo toemūkuase ropa

Apeume, Kaī akorony.


Apeu toerohse kaneru tō poko, Kaī kynexine tupito poko erohketyme.

11



Moromeīpo tŷkyryry tapoise Kaī a jahkatohme tynekaroryme Ritonōpo a. Apeu a toky poenō osemazuhme aenuruhpyry tapoise, kaneru pitiko totapase eya, ipū kurā tyahkase eya tynekaroryme Ritonōpo a.

12



Ritonōpo zamaro Apeu kynexine, inekarohpyry roropa, yrome Ritonōpo zamaro pyra Kaī kynexine, inekarohpyry se pyra kynexine. Mame Kaī tyekītapāse, tohne toehse ynororo ipunaka.

13



Mame ynara tykase Kaī takorō Apeu a: — Eropa tupito pona. Toeporehkase tahtao xine tupito pona, takorō totapase eya. Toorihse Apeu.


14

Mame Ritonōpo tōturupose Kaī a: — Otoko ākorō Apeu nae? tykase. — Zuaro pyra ase, tykase Kaī, — jakorō eraseme tokoh a? tykase. Mame toytose Kaī Ritonōpo winoino imepỹ pona osesarise. “Ytoytotoh” pona toytose ynororo Etē poe xixi tūtatoh winakoxi.




15

Mame Ewa maro toemũkuase ropa Atāo. Ynara tykase Ewa: — Imepỹ umũkuru tokarose Ritonōpo a ya, Apeu myakāme, totapase exiryke Kaī a. Tosehpase ynororo eya Seteme.



16

Moromeĩpo 800me jeimamyry taropose Atāo a. Toemũkuase ropa imehnō mũkuru tomo, ěxiry tō roropa. Mame toorihse ynororo 930me jeimamyry taropose ahtao.




17

Mame popyra ahno ehtoh eneryke tyya, popyra rokē aosenetupuhtohkō eneryke roropa tyya, tātasmase Ritonōpo kynexine ahno ritopōpyry poko tyya.



18

Toemynyhmasse ynororo, ynara tykase: — Mokaro enahkapōko ase, nono pōkomo, ynyrytā emero, ahno te, onokyro tōkehko te, torō tomo te nono poro ytoytoketomo. Yzamaro pyra ynyrytā toehse, tykase.




19

Yrome Noe nyryry Ritonōpo zamaro kynexine. Sero nase Noe ehtopōpyry poko. Toemũkuase ynororo oseruao: Sem te, Kam te, Jape, enara.



20



Ritonõpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme.

2

60

21

Romanos 3:23 Kymarokō emero tyrypyhpyke. Osepune pyra sytatose, Ritonõpo kure exiry maro.

Romanos 6:23 Ynara exiryke, kyyrypyrykō epehpyryme orihñōko sytatose. Yrome Ritonõpo nekarohpyry ke orihpyra sytatose jūme. Jezu Kyrixtu Kuesēkō marōme exiko sytatose, toorihse exiryke kymyakākōme.

Epereu 9:27 Toipe sytatose. Emero porehme orihñōko sytatose toiro. Moromeīpo kuapiakatorỹko Ritonõpo mana.

22

Epezu 2:8,9 Naeroro tamoreme opyno xine Ritonõpo toexiryke typynanohse matose. Okurākatorỹko roropa mana kure oexirykō pokoino pyra. Jezu enetuputyryke rokē oya xine okurākatorỹko mana. Topehke pyra, tynekarory kurā sā, Tumūkuru tonehpose aorihthohme, okurākatohkōme. Naeroro epyrypasaromepyra matose Ritonõpo poenōme oexirykō poko. Kure oexirykō pokoino pyra tukurākase matose Ritonõpo a.

Romanos 10:9,10 Jezu orihxīpo tōsemākaposē ropa Ritonõpo a. Moro enetuputyryhtao oya xine imehnō zurūko matose: “Jezu Jesēme mana,” āko matose imehnomo a.

Morara awahtao xine opynanohtorỹko Ritonõpo mana. Ynara exiryke, kukurohtao xine enetuputyryhtao kyya xine kukurākatorỹko Ritonõpo mana. “Zae mase ya,” āko mana kyya xine. “Jezu Jesēme mana,” karyhtao kyya xine kypynanohtorỹko Ritonõpo mana.

23

João 3:16,17 Ritonõpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme. Sero pōkō pynanohse Tumūkuru tonehpose Ritonõpo a, toto onuānohpyra aehtohme.

1 João 5:11-13 Ynara Ritonõpo nekarohpyry sero. Orihpyra kyritorỹko Ritonõpo mana Tumūkuru enetuputyryke kyya xine. Ritonõpo mūkuru maro exiketō orihpyra mā toto. Yrome Ritonõpo mūkuru maro pyra exiketō orihketōme toto. Onenerykōme pape merōko ase orihpỹme oehtohkō waro oehtohkōme, Jezu Ritonõpo mūkuru enetuputyryke oya xine.

24

Jenexi 3 – 6

Storyline by: Edward D. Hughes

Illustrated by: Byron Unger, Lazarus and Alastair Paterson

Adapted by: M. Maillot; Tammy S.

Apalaí Bible (apy) ©2017, Wycliffe Bible Translators, Inc.

<https://live.bible.is/bible/ENAPBT/JUD/1>

©2024 Bible for Children, Inc.
www.M1914.org www.bibleforchildren.org

25